

慧日佛學班第 07 期

# 《大智度論》卷 47

〈釋摩訶衍品第十八之餘〉<sup>1</sup>

(大正 25, 396b21-402c11)

釋厚觀 (2009.12.05)

## 【經】

(一) 六度是摩訶衍 (承上卷 46 〈18 釋摩訶衍品〉)

(二) 十八空、四空是摩訶衍 (承上卷 46 〈18 釋摩訶衍品〉)

(三) 百八三昧是摩訶衍<sup>2</sup>

### 1、標列

復次，須菩提！菩薩摩訶薩摩訶衍，所謂名<sup>(1)</sup>首楞嚴三昧，<sup>(2)</sup>寶印三昧，<sup>(3)</sup>師子遊戲三昧，<sup>(4)</sup>妙月三昧，<sup>(5)</sup>月幢相三昧，<sup>(6)</sup>出諸法三昧，<sup>(7)</sup>觀頂三昧，<sup>(8)</sup>畢法性三昧，<sup>(9)</sup>畢幢相三昧，<sup>(10)</sup>金剛三昧，<sup>(11)</sup>入法(396c)印三昧，<sup>(12)</sup>三昧王安立三昧，<sup>(13)</sup>放光三昧，<sup>(14)</sup>力進三昧，<sup>(15)</sup>高出三昧，<sup>(16)</sup>必入辯才三昧，<sup>(17)</sup>釋名字三昧，<sup>(18)</sup>觀方三昧，<sup>(19)</sup>陀羅尼印三昧，<sup>(20)</sup>無誑三昧，<sup>(21)</sup>攝諸法海三昧，<sup>(22)</sup>遍覆虛空三昧，<sup>(23)</sup>金剛輪三昧，<sup>(24)</sup>斷寶<sup>3</sup>三昧，<sup>(25)</sup>能照三昧，<sup>(26)</sup>不求三昧，<sup>(27)</sup>無住三昧，<sup>(28)</sup>無心三昧，<sup>(29)</sup>淨燈三昧，<sup>(30)</sup>無邊明三昧，<sup>(31)</sup>能作明三昧，<sup>(32)</sup>普照明三昧，<sup>(33)</sup>堅淨諸三昧三昧，<sup>(34)</sup>無垢明三昧，<sup>(35)</sup>歡喜三昧，<sup>(36)</sup>電光三昧，<sup>(37)</sup>無盡三昧，<sup>(38)</sup>威德三昧，<sup>(39)</sup>離盡三昧，<sup>(40)</sup>不動三昧，<sup>(41)</sup>不退三昧，<sup>(42)</sup>日燈三昧，<sup>(43)</sup>月淨三昧，<sup>(44)</sup>淨明三昧，<sup>(45)</sup>能作明三昧，<sup>(46)</sup>作行三昧，<sup>(47)</sup>知相三昧，<sup>(48)</sup>如金剛三昧，<sup>(49)</sup>心住三昧，<sup>(50)</sup>普明三昧，<sup>(51)</sup>安立三昧，<sup>(52)</sup>寶聚三昧，<sup>(53)</sup>妙法印三昧，<sup>(54)</sup>法等三昧，<sup>(55)</sup>斷喜三昧，<sup>(56)</sup>到法頂三昧，<sup>(57)</sup>能散三昧，<sup>(58)</sup>分別諸法句三昧，<sup>(59)</sup>字等相三昧，<sup>(60)</sup>離字三昧，<sup>(61)</sup>斷緣三昧，<sup>(62)</sup>不壞三昧，<sup>(63)</sup>無種相三昧，<sup>(64)</sup>無處行三昧，<sup>(65)</sup>離矇昧三昧，<sup>(66)</sup>無去三昧，<sup>(67)</sup>不變異三昧，<sup>(68)</sup>度緣三昧，<sup>(69)</sup>集諸功德三昧，<sup>(70)</sup>住無心三昧，<sup>(71)</sup>妙淨<sup>4</sup>華三昧，<sup>(72)</sup>覺意三昧，<sup>(73)</sup>無量辯三昧，<sup>(74)</sup>無等等三昧，<sup>(75)</sup>度諸法三昧，<sup>(76)</sup>分別諸法三昧，<sup>(77)</sup>散疑三昧，<sup>(78)</sup>無住處三昧，<sup>(79)</sup>一莊嚴三昧，<sup>(80)</sup>生行三昧，<sup>(81)</sup>一行三昧，<sup>(82)</sup>不一行三昧，<sup>(83)</sup>妙行三昧，<sup>(84)</sup>達一切有底散三昧，<sup>(85)</sup>入名語三昧，<sup>(86)</sup>離音聲字語三昧，<sup>(87)</sup>然炬三昧，<sup>(88)</sup>淨相三昧，<sup>(89)</sup>破相三昧，<sup>(90)</sup>一切種妙足三昧，<sup>(91)</sup>不喜苦樂三昧，<sup>(92)</sup>無盡相三昧，<sup>(93)</sup>陀羅尼三昧<sup>5</sup>，<sup>(94)</sup>攝諸邪正相三昧，<sup>(95)</sup>滅憎愛三昧，<sup>(96)</sup>逆順三昧，<sup>(97)</sup>淨光三昧，<sup>(98)</sup>堅固三昧，

<sup>1</sup> (釋摩……餘) 十字 = (十八品中百八三昧) 八字【宮】。(大正 25, 396d, n.11)

<sup>2</sup> 參見《摩訶般若波羅蜜經》卷 5 〈18 問乘品〉(大正 8, 251a8-253b16);《大般若波羅蜜多經》(第二分)卷 414 〈16 三摩地品〉(大正 7, 74c1-77c6);《大般若波羅蜜多經》(第三分)卷 488 〈3 善現品〉(大正 7, 481a14-483c5);《放光般若經》卷 4 〈19 問摩訶衍品〉(大正 8, 23b15-24c24);《光讚經》卷 6 〈16 三昧品〉(大正 8, 190a18-193a10)。

<sup>3</sup> 斷寶 = 寶斷【明】下同。(大正 25, 396d, n.16)

<sup>4</sup> 妙淨 = 淨妙【宋】【元】【明】【宮】。(大正 25, 396d, n.19)

<sup>5</sup> (多) + 陀羅尼【宋】【元】【明】【宮】【聖】【石】。(大正 25, 396d, n.22)

(99) 滿月淨光三昧，(100) 大莊嚴三昧，(101) 能照一切世三昧<sup>6</sup>，(102) 三昧等三昧，(103) 攝一切有諍無諍三昧，(104) 不樂一切住處三昧，(105) 如住定三昧，(106) 壞身衰三昧，(107) 壞語如虛空三昧，(108) 離著虛空不染三昧。

## 2、釋義

- (1) 云何名首楞嚴 (397a) 三昧？知諸三昧行處，是名首楞嚴三昧。
- (2) 云何名寶印三昧？住是三昧，能印諸三昧，是名寶印三昧。
- (3) 云何名師子遊戲三昧？住是三昧，能遊戲諸三昧中如師子，是名師子遊戲三昧。
- (4) 云何名妙月三昧？住是三昧，能照諸三昧如淨月，是名妙月三昧。
- (5) 云何名月幢相三昧？住是三昧，能持諸三昧相，是名月幢相三昧。<sup>7</sup>
- (6) 云何名出諸法三昧？住是三昧，能出生諸三昧，是名出諸法三昧。
- (7) 云何名觀頂三昧？住是三昧，能觀諸三昧頂，是名觀頂三昧。
- (8) 云何名畢法性三昧？住是三昧，決定知法性，是名畢法性三昧。<sup>8</sup>
- (9) 云何名畢幢相三昧？住是三昧，能持諸三昧幢，是名畢幢相三昧。
- (10) 云何名金剛三昧？住是三昧，能破諸三昧，是名金剛三昧。<sup>9</sup>
- (11) 云何名入法印三昧？住是三昧，入諸法印，是名入法印三昧。
- (12) 云何名三昧王安立三昧？住是三昧，一切諸三昧中安立住如王，是名三昧王安立三昧。
- (13) 云何名放光三昧？住是三昧，能放光照諸三昧，是名放光三昧。
- (14) 云何名力進三昧？住是三昧，於諸三昧能作力勢，是名力進三昧。<sup>10</sup>
- (15) 云何名高出三昧？住是三昧，能增長諸三昧，是名高出三昧。
- (16) 云何名必入辯才三昧？住是三昧，能辯說諸三昧，是名必入辯才三昧。
- (17) 云何名釋名字三昧？住是三昧，能釋諸三昧名字，是名釋名字三昧。
- (18) 云何名觀方三昧？住是三昧，能觀諸三昧方，是名觀方三昧。
- (19) 云何名陀羅尼印三昧？住是三昧，持諸三昧印，是名陀羅尼印三昧。
- (20) 云何名無誑三昧？住是三昧，於諸三昧不欺誑，是名無誑三昧。<sup>11</sup> (397b)

<sup>6</sup> 世+（間）【石】。(大正 25, 396d, n.23)

<sup>7</sup> 參見《大般若波羅蜜多經》卷 414 〈16 三摩地品〉：「云何名為月幢相三摩地？謂若住此三摩地時，普能住持諸定勝相，是故名為月幢相三摩地。」(大正 7, 74c10-12)

<sup>8</sup> 參見《大般若波羅蜜多經》卷 414 〈16 三摩地品〉：「云何名為法界決定三摩地？謂若住此三摩地時，能於法界決定照了，是故名為法界決定三摩地。」(大正 7, 74c16-18)

<sup>9</sup> 參見《大般若波羅蜜多經》卷 414 〈16 三摩地品〉：「云何名為金剛喻三摩地？謂若住此三摩地時，能摧諸定，非彼所伏，是故名為金剛喻三摩地。」(大正 7, 74c20-22)

<sup>10</sup> 參見《大般若波羅蜜多經》卷 414 〈16 三摩地品〉：「云何名為精進力三摩地？謂若住此三摩地時，能發諸定精進勢力，是故名為精進力三摩地。」(大正 7, 75a3-5)

<sup>11</sup> (1)《放光般若經》卷 4 〈19 問摩訶衍品〉：「復有不忘三昧，住是三昧者不忘諸三昧。」(大正 8, 23c10-11)

(2)《光讚經》卷 6 〈16 三昧品〉：「彼何謂無所奪三昧？住是定意時，尋即不忘一切定意，是謂無所奪三昧。」(大正 8, 191a13-15)

(3)《大般若波羅蜜多經》卷 414 〈16 三摩地品〉：「云何名為無忘失三摩地？謂若住此三摩地時，於諸定相皆無忘失，是故名為無忘失三摩地。」(大正 7, 75a16-18)

- (21) 云何名攝諸法海三昧？住是三昧，能攝諸三昧如大海水，是名攝諸法海三昧。<sup>12</sup>
- (22) 云何名遍覆虛空三昧？住是三昧，遍覆諸三昧如虛空，是名遍覆虛空三昧。
- (23) 云何名金剛輪三昧？住是三昧，能持諸三昧分，是名金剛輪三昧。<sup>13</sup>
- (24) 云何名斷寶三昧？住是三昧，斷諸三昧煩惱垢，是名斷寶三昧。<sup>14</sup>
- (25) 云何名能照三昧？住是三昧，能以光明顯照諸三昧，是名能照三昧。
- (26) 云何名不求三昧？住是三昧，無法可求，是名不求三昧。
- (27) 云何名無住三昧？住是三昧，一切三昧中不見法住，是名無住三昧。<sup>15</sup>
- (28) 云何名無心三昧？住是三昧，心心數法不行，是名無心三昧。<sup>16</sup>
- (29) 云何名淨燈三昧？住是三昧，於諸三昧中作明如燈，是名淨燈三昧。
- (30) 云何名無邊明三昧？住是三昧，與諸三昧作無邊明，是名無邊明三昧。
- (31) 云何名能作明三昧？住是三昧，即時能為諸三昧作明，是名能作明三昧。<sup>17</sup>
- (32) 云何名普照明三昧？住是三昧，即能照諸三昧門，是名普照明三昧。
- (33) 云何名堅淨諸三昧三昧？住是三昧，能堅淨諸三昧相，是名堅淨諸三昧三昧。
- (34) 云何名無垢明三昧？住是三昧，能除諸三昧垢，亦能照一切三昧，是名無垢明三昧。
- (35) 云何名歡喜三昧？住是三昧，能受諸三昧喜，是名歡喜三昧。
- (36) 云何名電光三昧？住是三昧，照諸三昧如電光，是名電光三昧。
- (37) 云何名無盡三昧？住是三昧，於諸三昧不見盡，是名無盡三昧。<sup>18</sup>
- (38) 云何名威德三昧？住是三昧，於諸三昧威德照然，是名威德三昧。
- (39) 云何名離盡三昧？住是三昧，不見諸三昧盡，是名離盡三昧。<sup>19</sup>
- (40) 云何(397c)名不動三昧？住是三昧，令諸三昧不動不戲，是名不動三昧。<sup>20</sup>
- (41) 云何名不退三昧？住是三昧，能不見諸三昧退，是名不退三昧。
- (42) 云何名日燈三昧？住是三昧，放光照諸三昧門，是名日燈三昧。

<sup>12</sup> 參見《大般若波羅蜜多經》卷 414〈16 三摩地品〉：「云何名為諸法等趣海印三摩地？謂若住此三摩地時，令諸勝定等皆趣入如大海印攝受眾流，是故名為諸法等趣海印三摩地。」(大正 7, 75a18-21)

<sup>13</sup> 參見《大般若波羅蜜多經》卷 414〈16 三摩地品〉：「云何名為金剛輪三摩地？謂若住此三摩地時，普能任持一切勝定令不散壞，如金剛輪，是故名為金剛輪三摩地。」(大正 7, 75a24-26)

<sup>14</sup> 參見《大般若波羅蜜多經》卷 414〈16 三摩地品〉：「云何名為離塵三摩地？謂若住此三摩地時，能滅一切煩惱纏垢，是故名為離塵三摩地。」(大正 7, 75a26-28)

<sup>15</sup> 參見《大般若波羅蜜多經》卷 414〈16 三摩地品〉：「云何名為無相住三摩地？謂若住此三摩地時，不見諸定中有少法可住，是故名為無相住三摩地。」(大正 7, 75b3-6)

<sup>16</sup> 參見《大般若波羅蜜多經》卷 414〈16 三摩地品〉：「云何名為不思惟三摩地？謂若住此三摩地時，所有下劣心、心所法悉皆不轉，是故名為不思惟三摩地。」(大正 7, 75b6-8)

<sup>17</sup> 參見《大般若波羅蜜多經》卷 414〈16 三摩地品〉：「云何名為發光三摩地？謂若住此等持無間，能發一切勝定光明，是故名為發光三摩地。」(大正 7, 75b12-14)

<sup>18</sup> 參見《大般若波羅蜜多經》卷 414〈16 三摩地品〉：「云何名為無盡三摩地？謂若住此三摩地時，引諸等持功德無盡而不見彼盡不盡相，是故名為無盡三摩地。」(大正 7, 75b25-27)

<sup>19</sup> 參見《大般若波羅蜜多經》卷 414〈16 三摩地品〉：「云何名為離盡三摩地？謂若住此三摩地時，見諸等持一切無盡而不見有盡不盡相，是故名為離盡三摩地。」(大正 7, 75b29-c3)

<sup>20</sup> 參見《大般若波羅蜜多經》卷 414〈16 三摩地品〉：「云何名為無動三摩地？謂若住此三摩地時，令諸等持無動無掉亦無戲論，是故名為無動三摩地。」(大正 7, 75c3-5)

- (43) 云何名月淨三昧？住是三昧，能除諸三昧闇，是名月淨三昧。
- (44) 云何名淨明三昧？住是三昧，於諸三昧得四無礙智，是名淨明三昧。
- (45) 云何名能作明三昧？住是三昧，於諸三昧門能作明，是名能作明三昧。<sup>21</sup>
- (46) 云何名作行三昧？住是三昧，能令諸三昧各有所作，是名作行三昧。<sup>22</sup>
- (47) 云何名知相三昧？住是三昧，見諸三昧知相，是名知相三昧。
- (48) 云何名如金剛三昧？住是三昧，能貫達諸法亦不見達，是名如金剛三昧。<sup>23</sup>
- (49) 云何名心住三昧？住是三昧，心不動不轉不惱亦不念有是心，是名心住三昧。
- (50) 云何名普明三昧？住是三昧，普見諸三昧明，是名普明三昧。
- (51) 云何名安立三昧？住是三昧，於諸三昧安立不動，是名安立三昧。
- (52) 云何名寶聚三昧？住是三昧，普見諸三昧如見寶聚，是名寶聚三昧。
- (53) 云何名妙法印三昧？住是三昧，能印諸三昧，以無印印故，是名妙法印三昧。
- (54) 云何名法等三昧？住是三昧，觀諸法等、無法不等，是名法等三昧。<sup>24</sup>
- (55) 云何名斷喜三昧？住是三昧，斷一切法中喜，是名斷喜三昧。
- (56) 云何名到法頂三昧？住是三昧，滅諸法闇亦在諸三昧上，是名到法頂三昧。
- (57) 云何名能散三昧？住是三昧中，能破散諸法，是名能散三昧。
- (58) 云何名分別諸法句三昧？住是三昧，能<sup>25</sup>分別諸三昧諸法句，是名分別諸法句三昧。
- (59) 云何名字等 (398a) 相三昧？住是三昧，得諸三昧字等，是名字等相三昧。
- (60) 云何名離字三昧？住是三昧，諸三昧中乃至不見一字，是名離字三昧。
- (61) 云何名斷緣三昧？住是三昧，斷諸三昧緣，是名斷緣三昧。<sup>26</sup>
- (62) 云何名不壞三昧？住是三昧，不得諸法變異，是名不壞三昧。<sup>27</sup>
- (63) 云何名無種相三昧？住是三昧，不見諸法種種，是名無種相三昧。<sup>28</sup>
- (64) 云何名無處行三昧？住是三昧，不見諸三昧處，是名無處行三昧。
- (65) 云何名離矇昧三昧？住是三昧，離諸三昧微闇，是名離矇<sup>29</sup>昧三昧。

<sup>21</sup> 參見《大般若波羅蜜多經》卷 414〈16 三摩地品〉：「云何名為發明三摩地？謂若住此三摩地時，令諸定門發明普照，是故名為發明三摩地。」(大正 7, 75c13-15)

<sup>22</sup> 參見《大般若波羅蜜多經》卷 414〈16 三摩地品〉：「云何名為作所應作三摩地？謂若住此三摩地時，辦諸等持所應作事，又令諸定所作事成，是故名為作所應作三摩地。」(大正 7, 75c15-18)

<sup>23</sup> 參見《大般若波羅蜜多經》卷 414〈16 三摩地品〉：「云何名為金剛鬘三摩地？謂若住此三摩地時，雖能通達一切法而不見有通達相，是故名為金剛鬘三摩地。」(大正 7, 75c20-22)

<sup>24</sup> 參見《大般若波羅蜜多經》卷 414〈16 三摩地品〉：「云何名為一切法平等性三摩地？謂若住此三摩地時，不見有法離平等性，是故名為一切法平等性三摩地。」(大正 7, 76a4-6)

<sup>25</sup> [能]—【宋】【元】【明】【宮】【聖】。(大正 25, 397d, n.10)

<sup>26</sup> 參見《大般若波羅蜜多經》卷 414〈16 三摩地品〉：「云何名為斷所緣三摩地？謂若住此三摩地時，絕諸等持所緣境相，是故名為斷所緣三摩地。」(大正 7, 76a20-22)

<sup>27</sup> 參見《大般若波羅蜜多經》卷 414〈16 三摩地品〉：「云何名為無變異三摩地？謂若住此三摩地時，不得諸法變異之相，是故名為無變異三摩地。」(大正 7, 76a22-24)

<sup>28</sup> 參見《大般若波羅蜜多經》卷 414〈16 三摩地品〉：「云何名為無品類三摩地？謂若住此三摩地時，不見諸法品類別相，是故名為無品類三摩地。」(大正 7, 76a24-26)

<sup>29</sup> 矇=矇【宋】【元】【明】【聖】【石】。(大正 25, 398d, n.1)

- (66) 云何名無去三昧？住是三昧，不見一切三昧去相，是名無去三昧。
- (67) 云何名不變異三昧？住是三昧，不見諸三昧變異相，是名不變異三昧。
- (68) 云何名度緣三昧？住是三昧，度一切三昧緣境界，是名度緣三昧。<sup>30</sup>
- (69) 云何名集諸功德三昧？住是三昧，集諸三昧功德，是名集諸功德三昧。
- (70) 云何名住無心三昧？住是三昧，於諸三昧心不入，是名住無心三昧。
- (71) 云何名淨妙華三昧？住是三昧，令諸三昧得淨妙如華，是名淨妙華三昧。
- (72) 云何名覺意三昧？住是三昧，諸三昧中得七覺分，是名覺意三昧。
- (73) 云何名無量辯三昧？住是三昧，於諸法中得無量辯，是名無量辯三昧。
- (74) 云何名無等等三昧？住是三昧，諸三昧中得無等等相，是名無等等三昧。
- (75) 云何名度諸法三昧？住是三昧，度一切三昧<sup>31</sup>，是名度諸法三昧。<sup>32</sup>
- (76) 云何名分別諸法三昧？住是三昧，諸三昧及諸法分別見，是名分別諸法三昧。
- (77) 云何名散疑三昧？住是三昧，得散諸法疑，是名散疑三昧。
- (78) 云何名無住處三昧？住是三昧，(398b) 不見諸法住處，是名無住處三昧。
- (79) 云何名一莊嚴三昧？住是三昧，終不見諸法二相，是名一莊嚴三昧。<sup>33</sup>
- (80) 云何名生行三昧？住是三昧，不見諸行生，是名生行三昧。<sup>34</sup>
- (81) 云何名一行三昧？住是三昧，不見諸三昧此岸、彼岸，是名一行三昧。<sup>35</sup>
- (82) 云何名不行三昧？住是三昧，不見諸三昧一相，是名不行三昧。<sup>36</sup>
- (83) 云何名妙行三昧？住是三昧，不見諸三昧二相，是名妙行三昧。<sup>37</sup>
- (84) 云何名達一切有底散三昧？住是三昧，入一切有、一切三昧，智慧通達亦無所

<sup>30</sup> 參見《大般若波羅蜜多經》卷 414〈16 三摩地品〉：「云何名為度境界三摩地？謂若住此三摩地時，超諸等持所緣境界，是故名為度境界三摩地。」(大正 7, 76b6-8)

<sup>31</sup> 三昧=三界【宋】，=三昧界【元】【明】【石】。(大正 25, 398d, n.5)

<sup>32</sup> 參見《大般若波羅蜜多經》卷 414〈16 三摩地品〉：「云何名為超一切法三摩地？謂若住此三摩地時，普能超度三界諸法，是故名為超一切法三摩地。」(大正 7, 76b27-29)

<sup>33</sup> 參見《大般若波羅蜜多經》卷 414〈16 三摩地品〉：「云何名為一相莊嚴三摩地？謂若住此三摩地時，不見諸法二相可取，是故名為一相莊嚴三摩地。」(大正 7, 76c8-10)

<sup>34</sup> 參見《大般若波羅蜜多經》卷 414〈16 三摩地品〉：「云何名為引發行相三摩地？謂若住此三摩地時，於諸等持及一切法雖能引發種種行相，而都不見能引發者，是故名為引發行相三摩地。」(大正 7, 76c10-13)

<sup>35</sup> (1) 參見《大般若波羅蜜多經》卷 414〈16 三摩地品〉：「云何名為一行相三摩地？謂若住此三摩地時，見諸等持無二行相，是故名為一行相三摩地。」(大正 7, 76c13-15)

(2) 參見《文殊師利所說摩訶般若波羅蜜經》卷 2：「文殊師利言：『世尊！云何名一行三昧？』佛言：『法界一相，繫緣法界，是名一行三昧。若善男子、善女人欲入一行三昧，當先聞般若波羅蜜，如說修學，然後能入一行三昧——如法界緣不退、不壞、不思議、無礙、無相。善男子、善女人欲入一行三昧，應處空閑，捨諸亂意，不取相貌，繫心一佛，專稱名字，隨佛方所，端身正向，能於一佛念念相續，即是念中能見過去、未來、現在諸佛。』」(大正 8, 731a25-b5)

<sup>36</sup> 參見《大般若波羅蜜多經》卷 414〈16 三摩地品〉：「云何名為離行相三摩地？謂若住此三摩地時，見諸等持都無行相，是故名為離行相三摩地。」(大正 7, 76c15-18)

<sup>37</sup> 參見《大般若波羅蜜多經》卷 414〈16 三摩地品〉：「云何名為妙行相三摩地？謂若住此三摩地時，令諸等持起妙行相，是故名為妙行相三摩地。」(大正 7, 76c18-20)

達，是名達一切有底散三昧。<sup>38</sup>

(85) 云何名入名語三昧？住是三昧，入一切三昧名語，是名入名語三昧。

(86) 云何名離音聲字語三昧？住是三昧，不見諸三昧音聲字語，是名離音聲字語三昧。

(87) 云何名然炬三昧？住是三昧，威德照明如炬，是名然炬三昧。

(88) 云何名淨相三昧？住是三昧，淨諸三昧相，是名淨相三昧。

(89) 云何名破相三昧？住是三昧，不見諸三昧相，是名破相三昧。<sup>39</sup>

(90) 云何名一切種妙足三昧？住是三昧，一切諸三昧種皆具足，是名一切種妙足三昧。

(91) 云何名不喜苦樂三昧？住是三昧，不見諸三昧苦樂，是名不喜苦樂三昧。

(92) 云何名無盡相三昧？住是三昧，不見諸三昧盡，是名無盡相三昧。<sup>40</sup>

(93) 云何名陀羅尼<sup>41</sup>三昧？住是三昧，能持諸三昧，是名陀羅尼三昧。

(94) 云何名攝諸邪正相三昧？住是三昧，於諸三昧不見邪正相，是名攝諸邪正相三昧。<sup>42</sup>

(95) 云何名滅憎愛三昧？住是三昧，不見諸三昧憎愛，是名滅憎愛三昧。

(96) 云何名逆順三昧？住是三昧，不見諸法、諸三昧逆順，是(398c)名逆順三昧。

(97) 云何名淨光三昧？住是三昧，不得諸三昧明垢，是名淨光三昧。<sup>43</sup>

(98) 云何名堅固三昧？住是三昧，不得諸三昧不堅固，是名堅固三昧。

(99) 云何名滿月淨光三昧？住是三昧，諸三昧滿足如月十五日，是名滿月淨光三昧。

(100) 云何名大莊嚴三昧？住是三昧，大莊嚴成就諸三昧，是名大莊嚴三昧。

(101) 云何名能照一切世三昧？住是三昧，諸三昧及一切法能照，是名能照一切世三昧。

(102) 云何名三昧等三昧？住是三昧，於諸三昧不得<sup>44</sup>定亂相，是名三昧等三昧。

(103) 云何名攝一切有諍無諍三昧？住是三昧，能使諸三昧不分別有諍無諍，是名攝一切有諍無諍三昧。

(104) 云何名不樂一切住處三昧？住是三昧，不見諸三昧依處，是名不樂一切住處三昧。

<sup>38</sup> 參見《大般若波羅蜜多經》卷 414〈16 三摩地品〉：「云何名為達諸有底散壞三摩地？謂若住此三摩地時，於諸等持及一切法，得通達智如實悟入；既得入已，於諸有法通達散壞令無所遺，是故名為達諸有底散壞三摩地。」(大正 7, 76c20-24)

<sup>39</sup> 參見《大般若波羅蜜多經》卷 414〈16 三摩地品〉：「云何名為無標幟三摩地？謂若住此三摩地時，於諸等持不見標幟，是故名為無標幟三摩地。」(大正 7, 77a5-7)

<sup>40</sup> 參見《大般若波羅蜜多經》卷 414〈16 三摩地品〉：「云何名為無盡行相三摩地？謂若住此三摩地時，不見諸定行相有盡，是故名為無盡行相三摩地。」(大正 7, 77a12-15)

<sup>41</sup> (多) + 陀羅尼【元】【明】。(大正 25, 3981d, n.10)

<sup>42</sup> 參見《大般若波羅蜜多經》卷 414〈16 三摩地品〉：「云何名為攝伏一切正性邪性三摩地？謂若住此三摩地時，於諸等持正性邪性攝伏諸見皆令不起，是故名為攝伏一切正性邪性三摩地。」(大正 7, 77a17-20)

<sup>43</sup> 參見《大般若波羅蜜多經》卷 414〈16 三摩地品〉：「云何名為無垢明三摩地？謂若住此三摩地時，於諸等持都不見有明相、垢相，是故名為無垢明三摩地。」(大正 7, 77a26-28)

<sup>44</sup> 得=見【元】【明】【石】。(大正 25, 398d, n.12)

(105) 云何名如住定三昧？住是三昧，不過諸三昧如相，是名如住定三昧。<sup>45</sup>

(106) 云何名壞身衰三昧？住是三昧，不得身相，是名壞身衰三昧。<sup>46</sup>

(107) 云何名壞語如虛空三昧？住是三昧，不見諸三昧語業如虛空，是名壞語如虛空三昧。

(108) 云何名離著虛空不染三昧？住是三昧，見諸法如虛空無礙亦不染，是<sup>47</sup>名離著虛空不染三昧。

須菩提！是名菩薩摩訶薩摩訶衍。」

### 【論】釋曰：

#### (三) 百八三昧是摩訶衍

##### 1、釋義<sup>48</sup>

上以十八空釋般若波羅蜜，今以百八三昧釋禪波羅蜜。

百八三昧，佛自說其義，是時人利根故，皆得信解；今則不然，論者重釋其義，令得易解。

##### (1) 首楞嚴三昧

「首楞嚴三昧」者，(秦言「健相」)，分別知諸三昧行相多少深淺，如大將知諸兵力多少。<sup>49</sup>

復次，菩薩得是三昧，諸煩惱魔及魔人無能壞者；(399a)譬如轉輪聖王主兵寶將，所往至處無不降伏。

##### (2) 寶印三昧

「寶印三昧」者，能印諸三昧。

於諸寶中，法寶是實寶，今世、後世乃至涅槃，能為利益。如《經》中說：「佛語

<sup>45</sup> 參見《大般若波羅蜜多經》卷 414 〈16 三摩地品〉：「云何名為決定安住真如三摩地？謂若住此三摩地時，於諸等持及一切法，常不棄捨真如實相，是故名為決定安住真如三摩地。」(大正 7, 77b18-21)

<sup>46</sup> 參見《大般若波羅蜜多經》卷 414 〈16 三摩地品〉：「云何名為離身穢惡三摩地？謂若住此三摩地時，令諸等持破壞身見，是故名為離身穢惡三摩地。」(大正 7, 77b21-23)

<sup>47</sup> 是+ (三昧)【元】【明】，(是三昧)+是【石】。(大正 25, 398d, n.13)

<sup>48</sup> 百八三昧：釋義。(印順法師，《大智度論筆記》〔E005〕p.298)

<sup>49</sup> (1)〔唐〕慧琳撰，《一切經音義》卷 26：「首楞嚴三昧（此云勇健定也，此經中自釋云：首楞嚴者，於一切事究竟堅固也）」(大正 54, 480a1)

(2)《佛說首楞嚴三昧經》卷上：「爾時，佛告堅意菩薩：『首楞嚴三昧，非初地、二地、三地、四地、五地、六地、七地、八地、九地菩薩之所能得，唯有住在十地菩薩乃能得是首楞嚴三昧。』」(大正 15, 631a18-21)

《佛說首楞嚴三昧經》卷下：「爾時名意菩薩白佛言：『世尊，我謂菩薩若能通達首楞嚴三昧，當知通達一切道行，於聲聞乘、辟支佛乘及佛大乘皆悉通達。』佛言：『如是！如是！如汝所說。菩薩若能通達首楞嚴三昧，則能通達一切道行。』」(大正 15, 643c25-29)

(3)《大智度論》卷 30 〈1 序品〉：「菩薩住於十地，入首楞嚴三昧，於三千大千世界，或時現初發意，行六波羅蜜；或現阿鞞跋致；或現一生補處，於兜率天上，為諸天說法；或從兜率天上来，下生淨飯王宮；或現出家成佛；或現大眾中轉法輪，度無量眾生；或現入涅槃，起七寶塔，遍諸國土，令眾生供養舍利；或時法都滅盡。菩薩利益如是，何況於佛！」(大正 25, 278a10-16)

比丘：為汝說法，所說法者<sup>50</sup>，所謂法印。」<sup>51</sup>法印即是寶印，寶印即是三<sup>52</sup>解脫門。

復次，有人言：三法印名為寶印三昧；一切法無我，一切作法無常，寂滅涅槃——是三法印，<sup>53</sup>一切人天無能如法壞者。入是三昧，能三種觀諸法，是名寶印。

復次，般若波羅蜜是寶，是相應三昧名印——是名寶印。

### (3) 師子遊戲三昧

「師子遊戲三昧」者，菩薩得是三昧，於一切三昧中，出入、遲速皆得自在。譬如眾獸戲時，若見師子，率皆<sup>54</sup>怖懼<sup>55</sup>；師子戲時，自在無所畏難。

復次，師子戲時，於諸群獸，強者則殺，伏者則放；菩薩亦如是，得是三昧，於諸外道，強者破之，信者度之。

復次，「師子遊戲」者，如初品中說。<sup>56</sup>菩薩入是三昧中，地為六反震動；令一切十方世界<sup>57</sup>地獄湯冷、盲者得視、聾者得聽等。

### (4) 妙月三昧

「妙月三昧」者，如月滿清淨，無諸翳障<sup>58</sup>，能除夜闇；此三昧亦如是，菩薩入是三昧，能除諸法邪見、無明闇蔽等。

### (5) 月幢相三昧

「月幢相三昧<sup>59</sup>」者，如大軍將幢<sup>60</sup>以<sup>61</sup>寶作月像，見此幢相，人皆隨從；菩薩入

<sup>50</sup> [所說法者] —【宋】【宮】【聖】。(大正 25, 399d, n.4)

<sup>51</sup> 參見《佛說法印經》(大正 2, 500b21-c27)。

<sup>52</sup> [三] —【宋】【元】【明】【宮】。(大正 25, 399d, n.6)

<sup>53</sup> 三法印。(印順法師，《大智度論筆記》[E005] p.295)

<sup>54</sup> 率皆：猶言都是。(《漢語大詞典》(二), p.381)

<sup>55</sup> 怖懼(戻ぞ): 恐懼。(《漢語大詞典》(七), p.474)

<sup>56</sup> 《正觀》(6), p.127:

(1) 參見《摩訶般若波羅蜜經》卷 1〈1 序品〉：「爾時，世尊故在師子座，入師子遊戲三昧，以神通力感動三千大千世界，六種震動——東涌西沒，西涌東沒；南涌北沒，北涌南沒；邊涌中沒，中涌邊沒。」(大正 8, 217c5-8)

(2) 參見《大智度論》卷 8〈1 序品〉：「問曰：此三昧何以名師子遊戲？答曰：譬如師子搏鹿，自在戲樂；佛亦如是，入此三昧，能種種迴轉此地，令六反震動。復次，師子遊戲，譬如師子戲日，諸獸安隱；佛亦如是，入是三昧時，震動三千大千世界，能令三惡眾生一時得息，皆得安隱。復次，佛名人師子，師子遊戲三昧是佛戲三昧也。入此三昧時，令此大地六種震動，一切地獄、惡道眾生皆蒙解脫、得生天上，是名為戲。問曰：佛何以故入此三昧？答曰：欲動三千大千世界出三惡道眾生著二道中故。復次，上三種變化，出自佛身，人或信心不深；今動大地，欲令眾生知佛神力無量，能令外物皆動，信淨心喜，皆得離苦。」(大正 25, 116c9-23)

<sup>57</sup> 世界=國土【石】。(大正 25, 399d, n.11)

<sup>58</sup> 翳障：障蔽。(《漢語大詞典》(九), p.677)

<sup>59</sup> [三昧] —【宋】【元】【明】【宮】【聖】【石】。(大正 25, 399d, n.13)

<sup>60</sup> 幢(タマキ): 1.一種旌旗。垂筒形，飾有羽毛、錦繡。古代常在軍事指揮、儀仗行列、舞蹈表演中使用。(《漢語大詞典》(三), p.761)

<sup>61</sup> 幢以=以幢【元】【明】【石】。(大正 25, 399d, n.14)

是三昧中，諸法通達無礙，皆悉隨從。

#### (6) 出諸法三昧

「出諸法三昧」者，菩薩得是三昧，令諸三昧增長；譬如時雨，林木茂盛。

#### (7) 觀頂三昧

「觀頂三昧」者，入是三昧中，能遍見諸三昧；如住山頂，悉見眾物。

#### (8) 畢法性三昧

「畢法性三昧」者，法性無量無二，難可執持；入是三昧，必能得定相。譬如虛空，無能住者；得神足力，則能處之。(399b)

#### (9) 畢幢相三昧

「畢幢相三昧」者，入是三昧，則於諸三昧最為尊長；譬如軍將得幢，表其大相。

#### (10) 金剛三昧

「金剛三昧」者，<sup>62</sup>譬如金剛，無物不陷<sup>63</sup>。此三昧亦如是，於諸法無不通達，令諸三昧各得其用；如車渠、瑪瑙<sup>64</sup>、琉璃，唯金剛能穿。

#### (11) 入法印三昧

「入法印三昧」者，如人入安隱國，有印得入，無印不得入；菩薩得是三昧，能入諸法實相中，所謂諸法畢竟空。<sup>65</sup>

#### (12) 三昧王安立三昧

「三昧王安立三昧」者，譬如大王安住正殿，召諸群臣，皆悉從命。菩薩入三昧王，放大光明，請召十方，無不悉集；又遣化佛，遍至十方。

「安立」者，譬如國王安處正殿，身心坦然，無所畏懼。

#### (13) 放光三昧

「放光三昧」者，常修火一切入故，生神通力，隨意放種種色光，隨眾生所樂——若熱、若冷、若不熱不冷。

照諸三昧<sup>66</sup>者，光明有二種：一者、色光，二者、智慧光。住是三昧中，照諸三昧，無有邪見、無明等。

<sup>62</sup> (1) 百八三昧中，有三種三昧含「金剛」之名：第 10 個三昧名「金剛三昧」，第 23 個三昧名「金剛輪三昧」，第 48 個三昧名「如金剛三昧」。參見《大智度論》卷 47 (大正 25, 400b17-c3)。

(2) 參見《十住毘婆沙論》卷 10：「金剛三昧者，諸佛世尊金剛三昧，是不共法，無能壞故，於一切處無有障礙故，得正遍知故，壞一切法障礙故，等貫穿故，得諸功德利益力故，諸禪定中最上故，無能壞者，是故名為金剛三昧。如金剛寶無物能破者；是三昧亦如是，無有法可以壞者，是故名金剛三昧。」(大正 26, 73b27-c4)

<sup>63</sup> 陷：5.刺入。《韓非子·難一》：“吾楯之堅，物莫能陷也。” (《漢語大詞典》(十一), p.1048)

<sup>64</sup> 車渠瑪瑙＝碑磲碼瑙【宋】【元】【明】【宮】，＝車渠馬瓈【聖】。(大正 25, 399d, n.17)

<sup>65</sup> 實相：諸法畢竟空。(印順法師，《大智度論筆記》[E001] p.284)

<sup>66</sup> 參見《摩訶般若波羅蜜經》卷 5〈18 問乘品〉：「云何名放光三昧？住是三昧能放光照諸三昧，是名放光三昧。」(大正 8, 251c2-4)

**(14) 力進三昧**

「力進三昧」者，先於諸法中得信等五種力，然後於諸三昧中得自在力。又雖住三昧，而常能神通變化，度諸眾生。

**(15) 高出三昧**

「高出三昧」者，菩薩入是三昧，所有福德智慧皆悉增長；諸三昧性，從心而出。

**(16) 必入辯才三昧**

「必入辯才三昧」者，四無礙<sup>67</sup>中，辭、辯相應三昧。菩薩得是三昧，悉知眾生語言次第，及經書名字等，悉能分別無礙。

**(17) 釋名字三昧**

「釋名字三昧」者，諸法雖空，以名字辯諸法義，令人得解。

**(18) 觀方三昧**

「觀方三昧」者，於十方眾生，以慈悲憐愍，平等心觀。

復次，「方」者，循<sup>68</sup>道理名為得方；是三昧力故，於諸三昧得其道理，出入自在無礙。

**(19) 陀羅尼印三昧**

「陀羅尼印三昧」者，得是三昧者，能得分別諸三昧皆有陀羅尼。

**(20) 無誑三昧**

「無誑三（399c）昧」者，有三昧生愛、恚、無明、邪見等，是三昧於諸三昧都無迷悶<sup>69</sup>之事。

**(21) 攝諸法海三昧**

「攝諸法海三昧」者，如<sup>70</sup>一切眾流皆歸於海，三乘法皆入是三昧中亦如是。

又諸餘三昧皆入是三昧中，如四禪、四無色中攝諸解脫、九次第等，皆入其中。

<sup>67</sup> (1) 《摩訶般若波羅蜜經》卷 24 (78 四攝品)：「云何為四無礙智？一者、義無礙智，二者、法無礙智，三者、辭無礙智，四者、樂說無礙智。」(大正 8, 395b13-15)

(2) 《大智度論》卷 25 (1 序品)：「四無礙智者，義無礙智、法無礙智、辭無礙智、樂說無礙智。義無礙智者，用名字、言語所說事，各各諸法相……。法無礙智者，知是義名字——堅相名為地，如是等；一切名字分別中無滯，是名為法無礙智。所以者何？離名字，義不可得，知義必由於名，以是故次義有法。……是名字及義，云何令眾生得解？當以言辭分別莊嚴，能令人解，通達無滯，是名辭無礙智。說有道理，開演無盡，亦於諸禪定中得自在無滯，是名樂說無礙智。」(大正 25, 246a22-b13)

(3) 另參見《大智度論》卷 74 (大正 25, 581a14-20)、卷 85 (大正 25, 656b22-27)、卷 88 (680c17-23)；《大毘婆沙論》卷 180 (大正 27, 904a8-23)；《俱舍論》卷 27 (大正 29, 142a22-28)；《順正理論》卷 76 (大正 29, 751a2-b8)；《顯宗論》卷 37 (大正 29, 959a15-c22)。

<sup>68</sup> (1) 循=修【宋】【元】【明】【宮】【聖】【石】。(大正 25, 399d, n.21)

(2) 循(ㄊㄩㄣ): 1.沿著，順著。3.遵守，遵從，遵循。(《漢語大詞典》(三), p.1040)

<sup>69</sup> 迷悶：1.昏迷，神志不清。2.迷茫，難以辨清。(《漢語大詞典》(十), p.820)

<sup>70</sup> 如=知【宋】【元】【明】【宮】【聖】。(大正 25, 399d, n.24)

**(22) 遍覆虛空三昧**

「遍覆虛空三昧」者，是虛空無量無邊；是三昧力，悉能遍覆虛空——或結加<sup>71</sup>趺坐、或放光明、或以音聲，充滿其中。

**(23) 金剛輪三昧**

「金剛輪三昧」者，如真金剛輪，所往無礙；得是三昧者，於諸法中所至無礙。復次，能分別諸三昧分界，故名「輪」；「輪<sup>72</sup>」，分界也。

**(24) 斷寶三昧**

「斷寶三昧」者，如有寶能淨治諸寶；是三昧亦如是，能除諸三昧煩惱垢。五欲垢易遣，諸三昧垢難却。

**(25) 能照三昧**

「能照三昧」者，得是三昧，能以十種智慧<sup>73</sup>照了諸法；譬如日出照闇浮提，事皆顯了。

**(26) 不求三昧**

「不求三昧」者，觀諸法如幻化，三界愛斷故，都無所求。

**(27) 無住三昧**

「無住三昧」者，是三昧名無住<sup>74</sup>三昧；住是三昧中，觀諸法念念無常，無有住時。

**(28) 無心三昧**

「無心三昧」者，即是滅盡定，或無想定。何以故？佛自說因緣：「入是三昧中，諸心心數法不行。」

**(29) 淨燈三昧**

「淨燈三昧」者，「燈」名智慧燈，諸煩惱名垢；離是垢，慧則清淨。

**(30) 無邊明三昧**

「無邊明三昧」者，「無邊」名無量無數。「明」有二種：一者、度眾生故，身放

<sup>71</sup> 加=跏【元】【明】【宮】。(大正 25, 399d, n.25)

<sup>72</sup> 輪=轉【宮】。(大正 25, 399d, n.26)

<sup>73</sup> (1)《摩訶般若波羅蜜經》卷 5：「復次，須菩提！菩薩摩訶薩摩訶衍，所謂苦智、集智、滅智、道智、盡智、無生智、法智、比智、世智、他心智、如實智。……須菩提！是名菩薩摩訶薩摩訶衍，以不可得故。」(大正 8, 254c19-255a4)

案：十一智中除「如實智」是為十智。參見《大智度論》卷 23(大正 25, 232c19-233a5)。

(2) 參見《大方廣佛華嚴經》卷 38〈33 離世間品〉：「有十種智慧光明。何等為十？所謂菩薩摩訶薩，<sup>(1)</sup>於阿耨多羅三藐三菩提決定智慧光明；<sup>(2)</sup>見一切佛智慧光明；<sup>(3)</sup>見一切眾生死此生彼智慧光明；<sup>(4)</sup>開悟一切眾生，悉令正求修多羅法智慧光明；<sup>(5)</sup>依善知識，發菩提心，長養善根智慧光明；<sup>(6)</sup>示現一切諸佛智慧光明；<sup>(7)</sup>化一切眾生，悉令成熟安住佛地智慧光明；<sup>(8)</sup>分別解說不思議法智慧光明；<sup>(9)</sup>於一切佛神力住持善巧方便智慧光明；<sup>(10)</sup>滿足一切波羅蜜智慧光明。佛子，是為菩薩摩訶薩十種智慧光明。」(大正 9, 641c14-25)

<sup>74</sup> 住=作【宋】【元】【明】【宮】。(大正 25, 399d, n.29)

光明；二者、分別諸法總相、別相故，智慧光明。<sup>75</sup>得是三昧，能照十方無邊世界及無邊諸法。

**(31) 能作明三昧**

「能作明三昧」者，於諸法能為作明，如闇中然炬。

**(32) 普照明三昧**

「普照明三昧」者，如轉輪聖王寶珠，於眾外，四邊各照一由旬；菩薩得是三昧，普照諸法種種門。

**(33) 堅淨諸三昧三昧**

「堅淨諸三昧三昧」者，菩(400a)薩得是三昧力故，令諸三昧清淨堅牢。

**(34) 無垢明三昧**

「無垢明三昧」者，三解脫門相應三昧；得是三昧，離一切三昧垢——離一切無明、愛等，亦能照一切諸三昧。<sup>76</sup>

**(35) 歡喜三昧**

「歡喜三昧」者，得是三昧，於諸<sup>77</sup>法生歡喜樂。何者是？

有人言：初禪是。如佛說有四修定：一者、修是三昧，得現在歡喜樂；二者、修定得知見，見眾生死；三者、修定得智慧分別；四者、修定得漏盡。<sup>78</sup>

復次，得是三昧，生無量無邊法歡喜樂。

**(36) 電光三昧**

「電光三昧」者，如電暫現，行者得路；得是三昧者，無始世界來失道還得。

**(37) 無盡三昧**

「無盡三昧」者，得是三昧，滅諸法無常等相，即入不生不滅。

**(38) 威德三昧**

「威德三昧」者，菩薩得是三昧，威德莊嚴。

**(39) 離盡三昧**

「離盡三昧」者，菩薩得是三昧，無量阿僧祇劫善本功德必得，果報不失故。

**(40) 不動三昧**

「不動三昧」者——<sup>79</sup>

<sup>75</sup> 二種光明：身光明，智慧光明。（印順法師，《大智度論筆記》〔B103〕p.132）

<sup>76</sup> 實相：無垢無淨。（印順法師，《大智度論筆記》〔E001〕p.284）

<sup>77</sup> [諸]—[宋][元][明][宮][聖]。（大正 25，400d，n.1）

<sup>78</sup> (1) 參見《集異門足論》卷 7 (大正 26，395c8-28)，《法蘊足論》卷 8 〈14 修定品〉(大正 26，489b1-491b7)，《品類足論》卷 14 (大正 26，750c21-25)，《舍利弗阿毘曇論》卷 16 (大正 28，635c20-636a14)，《俱舍論》卷 28 (大正 29，150a16-18)，《成實論》卷 12 〈158 四修定品〉(大正 32，335c20-336b5)。

(2) 參見印順法師，〈修定——修心與唯心・秘密乘〉，《華雨集》(三)，pp.151-157。

<sup>79</sup> 參見《大智度論》卷 5 〈1 序品〉：「常一心故，一切處心不著故。入不動三昧故，破他化自在天子魔。」(大正 25，99b14-16)

**A、第四禪**

有人言：第四禪是不動。<sup>80</sup>欲界中五欲故動，初禪中覺觀故動，二禪中喜多故動，三禪中樂多<sup>81</sup>故動，四禪離出入息無諸動相故不動。

**B、四無色定**

有人言：四無色定是不動，離諸色故。

**C、滅盡定**

有人言：滅盡定是不動，離心心數法故。

**D、知諸法實相，畢竟空智慧相應三昧**

有人言：知諸法實相，畢竟空智慧相應三昧故不動。得是三昧已，於一切三昧、一切法，都不戲論。

**(41) 不退三昧**

「不退三昧」者，住是三昧，不見諸三昧退。

論者言：菩薩住是三昧，常不退轉，即是阿鞞跋致智慧相應三昧。「不退」者，不墮頂<sup>82</sup>——如不墮頂義中說。<sup>83</sup>

**(42) 日燈三昧**

「日燈三昧」者，<sup>84</sup>得是三昧，能照一切諸法種種門及諸三昧；譬如日出能照一切

<sup>80</sup> (1) 參見《中阿含經》卷 55 (203 經)《晡利多經》：「居士！彼有覺、有觀息，內靜、一心，無覺、無觀，定生喜、樂，得第二禪成就遊。彼已離喜欲，捨無求遊，正念正智而身覺樂，謂聖所說、聖所捨、念、樂住、空，得第三禪成就遊。彼樂滅、苦滅，喜、憂本已滅，不苦不樂、捨、念、清淨，得第四禪成就遊。彼已如是定心清淨，無穢無煩，柔軟善住，得不動心，修學漏盡智通作證。彼知此苦如真，知此苦集、知此苦滅、知此苦滅道如真；知此漏如真，知此漏集、知此漏滅、知此漏滅道如真。彼如是知、如是見，欲漏心解脫，有漏、無明漏心解脫，解脫已便知解脫：生已盡，梵行已立，所作已辦，不更受有，知如真。」(大正 1, 775a20-b4)

(2) 參見印順法師，《性空學探源》，pp.90-91：

不動，有解說為第四禪，因為到了四禪，不為三災所動。但依《中阿含》的《大空經》與《淨不動道經》看來，不動是合於空無邊處定的。單修這些定，沒有無漏慧，都還談不上解脫。《淨不動道經》所說有四種定：不動，無所有，無相，解脫。與空義相關更切，而是更有意義的。一、淨不動道，經說：『若現世欲及後世欲，若現世色及後世色，彼一切是魔境界。……（如是觀「彼一切四大及四大造」，亦復如是）若現世欲及後世欲，若現世色及後世色，若現世欲想後世欲想，若現世色想後世色想，彼一切想是無常法，是苦、是滅；彼於爾時，得不動想。』這觀欲觀色皆是無常苦而超脫之，甚至連後世之欲色想也超脫了；離欲離色，與無色界的空無邊處定同。

(3) 參見印順法師，《空之探究》，p.71：「四禪名為不動。《中阿含經》的《大空經》中，內空，外空，內外空，與不動並列。內空、外空、內外空，是從根、境、識的相關中，空於五欲；不動是觀五陰無常、無我，內離我慢。不動修習成就，就是空住的成就。如著空而不得解脫，就稱四禪為不動。」

<sup>81</sup> [多]—【宋】【宮】。(大正 25, 400d, n.4)

<sup>82</sup> 阿鞞跋致：不退即不墮頂。(印順法師，《大智度論筆記》[E004] p.293)

<sup>83</sup> 《正觀》(6), p.127:《大智度論》卷 27(大正 25, 262b4-17)、卷 41(大正 25, 361c19-362a23)。

<sup>84</sup> 參見《大方等大集經》卷 28〈12 無盡意菩薩品〉：「何因緣故名日燈三昧？譬如日出，燈火、

闍浮提。

#### (43) 月淨三昧

「月淨三昧」者，如月從十六日漸減，至三十日都盡；凡夫人亦如是，諸善功德漸漸減盡，(400b) 墮三惡道。

如月從一日漸漸增長，至十五日光明清淨；菩薩亦如是，得是三昧，從發心來，世世漸增善根，乃至得無生法忍，授<sup>85</sup>記，智慧清淨，利益眾生。

又<sup>86</sup>能破諸三昧中無明。

#### (44) 淨明三昧

「淨明三昧」者，<sup>87</sup>「明」名慧，垢為礙。得是三昧者，於諸法無障礙；以是故，佛於此說：「住是三昧中，得四無礙智。」

問曰：佛何以獨於此中說「四無礙智」？

答曰：於三昧中無覺觀心，所可樂說與定相違，是事為難！此三昧力故，得四無礙智。四無礙智義，如先說。<sup>88</sup>

#### (45) 能作明三昧

「能作明三昧」者，「明」即是智慧；諸智慧中，般若智慧最第一——是般若相應三昧能作明。

#### (46) 作行三昧

「作行三昧」者，得是三昧力，能發起先所得諸三昧。

#### (47) 知相三昧

「知相三昧」者，得是三昧，見一切諸三昧中有實智慧相。

#### (48) 如金剛三昧

「如金剛三昧」者，得是三昧，以智慧能通達一切諸法，亦不見通達，用無所得故。

※ 因論生論：金剛三昧、金剛輪三昧、如金剛三昧，何以皆言金剛<sup>89</sup>

問曰：三種三昧，何以皆言「金剛」？

答曰：

---

月光、星宿諸明悉不復現；菩薩大士得是定已，先所修智一切二乘學與無學及餘眾生所得諸智皆亦如是悉不復現，是名日燈三昧。」(大正 13，195a14-19)

<sup>85</sup> 授=受【宋】【元】【明】【宮】【聖】【石】。(大正 25，400d，n.8)

<sup>86</sup> 又=乃【宋】【宮】。(大正 25，400d，n.9)

<sup>87</sup> 參見《思益梵天所問經》卷 3〈8 論寂品〉：「時普光佛為二菩薩廣說淨明三昧。所以名曰淨明三昧者，若菩薩入是三昧，即得解脫一切諸相及煩惱著，亦於一切佛法得淨光明。是故名為淨明三昧。」(大正 15，51b8-11)

<sup>88</sup> 參見《大智度論》卷 25 (大正 25，246a22-247b13)。

<sup>89</sup> 百八三昧中，有三種三昧含「金剛」之名：第 10 個三昧名「金剛三昧」，第 23 個三昧名「金剛輪三昧」，第 48 個三昧名「如金剛三昧」。

**A、第一說**

初言「金剛」，中言「金剛輪」，後言「如金剛」。

「**如金剛三昧**」，佛說能貫穿一切諸法，亦不見是金剛三昧能通達諸三昧。

「**金剛輪三昧**」者，得是三昧，即能<sup>90</sup>持諸三昧輪。是皆佛自說義。

**B、第二說**

論者言：

「**如金剛三昧**」者，能破一切諸煩惱結使無有遺餘；譬如釋提桓因，手執金剛破阿修羅軍。即是學人末後心，從是心次第得三種菩提——聲聞菩提、辟支佛菩提、佛無上菩提。

「**金剛三昧**」者，能破一切諸法，入無餘涅槃，更不受有；譬如真金剛，能破諸山，令滅盡無餘。

「**金剛輪**」者，此三昧能破一切諸法，無遮無礙；譬如金剛輪轉時，無所(400c)不破，無所障礙。

**C、第三說**

復次，初、金剛，二、金剛輪，三、如金剛，名字分別，佛說其義亦異；論者釋其因緣亦異，不應致難。

**(49) 心住三昧**

「**心住三昧**」者，心相輕疾，遠逝無形，難制難持，常是動相；如獮猴子，又如掣電<sup>91</sup>，亦如蛇舌。得是三昧故，能攝令住；乃至天欲，心不動轉，何況人欲！

**(50) 普明三昧**

「**普明三昧**」者，得是三昧，於一切法見光明相，無黑闇相。如晝所見，夜亦如是；如見前，見後亦爾；如見上，見下亦爾，心中無礙。修是三昧故，得天眼通，普見光明，了了無礙。善修是神通故，得成慧眼，普照諸法，所見無礙。

**(51) 安立三昧**

「**安立三昧**」者，得是三昧者，一切諸功德善法中安立牢固；如須彌山在大海，安立不動。

**(52) 寶聚三昧**

「**寶聚三昧**」者，得是三昧，所有國土悉成七寶。

問曰：此是肉眼所見？禪定所見？

答曰：天眼、肉眼皆能見。何以故？外六塵不定故；行者常修習禪定，是故能轉本相。

**(53) 妙法印三昧**

「**妙法印三昧**」者，「**妙法**」名諸佛菩薩深功德智慧；<sup>92</sup>得是三昧，得諸深妙功德智慧。

<sup>90</sup> [即能] – [聖]，[即] – [宋][元][明][宮]。(大正 25, 400d, n.14)

<sup>91</sup> 掣（ㄕㄢˋ）電：閃電。亦以形容迅疾。（《漢語大詞典》（六），p.635）

<sup>92</sup> 妙法：佛慧。（印順法師，《大智度論筆記》〔E005〕p.295）

**(54) 法等三昧**

「法等三昧」者，「等」有二種：眾生等、法等。<sup>93</sup>法等相應三昧，名為「法等」。

**(55) 斷喜三昧**

「斷喜三昧」者，得是三昧，觀諸法無常、苦、空、無我、不淨等，心生厭離；十想<sup>94</sup>中，一切世間不可樂想相應三昧是<sup>95</sup>。

**(56) 到法頂三昧**

「到法頂三昧」者，「法」名菩薩法，所謂六波羅蜜；到般若波羅蜜中，得方便力，到法山頂。得是三昧，能住是法山頂，諸無明煩惱不能動搖。

**(57) 能散三昧**

「能散三昧」者，得是三昧，能破散諸法——散空<sup>96</sup>相應三昧是。

**(58) 分別諸法句三昧**

「分別諸法句三昧」者，得是三昧，能分別一切諸法語言字句，為眾生說辭無滯礙，樂說（401a）相應三昧是。<sup>97</sup>

<sup>93</sup> 參見《大智度論》卷 5 (大正 25, 97a25-b26)、卷 40 (353a18-b5)。

<sup>94</sup> 參見《摩訶般若波羅蜜經》卷 1 (1 序品)：「十想：無常想、苦想、無我想、食不淨想、一切世間不可樂想、死想、不淨想、斷想、離欲想、盡想。」(大正 8, 219a11-13)

另參見《大智度論》卷 23 (大正 25, 229a2-232c15)。

<sup>95</sup> [是] – 【宋】【元】【明】【宮】【聖】。(大正 25, 400d, n.26)

<sup>96</sup> (1)《大智度論》卷 31 (1 序品)：「散空者，散名別離相，如諸法和合故有：如車以輻、軸、轅、轂，眾合為車，若離散各在一處，則失車名。五眾和合因緣，故名為人，若別離五眾，人不可得。……如《經》中說：『佛告羅陀！此色眾破壞散滅，令無所有，餘眾亦如是。』是名散空。復次，譬如小兒，聚土為臺殿、城郭、閣里、宮舍，或名為米，或名為麵，愛著守護；日暮將歸，其心捨離，蹋壞散滅。凡夫人亦如是，未離欲故，於諸法中生愛著心；若得離欲，見諸法皆散壞棄捨。是名散空。復次，諸法合集故，各有名字，凡夫人隨逐名字，生顛倒染著；佛為說法，當觀其實，莫逐名字，有無皆空。如《迦旃延經》說：『觀集諦則無無見，觀滅諦則無有見。』如是種種因緣是名散空。」(大正 25, 291c21-292a28)

(2) 參見《雜阿含經》卷 6 (122 經)：「時有侍者比丘，名曰羅陀，白佛言：『世尊！所謂眾生者，云何名為眾生？』佛告羅陀：『於色染著纏綿，名曰眾生；於受、想、行、識染著纏綿，名曰眾生。』佛告羅陀：『我說於色境界，當散壞消滅；於受、想、行、識境界，當散壞消滅，斷除愛欲；愛盡則苦盡，苦盡者我說作苦邊。譬如聚落中，諸小男小女嬉戲，聚土作城郭、宅舍，心愛樂著。愛未盡，欲未盡，念未盡，渴未盡，心常愛樂，守護言：我城郭，我舍宅。若於彼土聚，愛盡，欲盡，念盡，渴盡，則以手撥足蹴，令其消散。如是羅陀！於色散壞消滅，愛盡，愛盡故苦盡，苦盡故我說作苦邊。』」(大正 2, 40a4-17)

(3) 參見《雜阿含經》卷 10 (262 經)：「如實正觀世間集者，則不生世間無見；如實正觀世間滅，則不生世間有見。」(大正 2, 67a2-4)

<sup>97</sup> 《大智度論》卷 25 (1 序品)：「四無礙智者：義無礙智、法無礙智、辭無礙智、樂說無礙智。……是名字及義，云何令眾生得解？當以言辭分別莊嚴，能令人解，通達無滯，是名辭無礙智。說有道理，開演無盡，亦於諸禪定中得自在無滯，是名樂說無礙智。」(大正 25, 246a22-b13)

**(59) 字等相三昧**

「字等相三昧」者，得是三昧，觀諸字諸語皆悉平等；呵罵<sup>98</sup>、讚歎，無有憎愛。

**(60) 離字三昧**

「離字三昧」者，得是三昧，不見字在義中，亦不見義<sup>99</sup>在字中。

**(61) 斷緣三昧**

「斷緣三昧」者，得是三昧，若內若外，樂中不生喜，苦中不生瞋，不苦不樂中不生<sup>100</sup>捨心——於此三受遠離不著，心則歸滅；心若滅，緣亦斷。

**(62) 不壞三昧**

「不壞三昧」者，緣法性畢竟空相應三昧，戲論不能破，無常不能轉，先已壞故。

**(63) 無種相三昧**

「無種<sup>101</sup>三昧」者，得是三昧，不見諸法種種相，但見一相，所謂無相。

**(64) 無處行三昧**

「無處行三昧」者，得是三昧，知三毒火然三界故，心不依止；涅槃畢竟空故，亦不依止。

**(65) 離曇昧三昧**

「離曇昧<sup>102</sup>三昧」者，得是三昧，於諸三昧中，微翳<sup>103</sup>無明等悉皆除盡。

**(66) 無去三昧**

「無去三昧」者，得是三昧，不見一切法來去相。

**(67) 不變異三昧**

「不變異三昧」者，<sup>104</sup>得是三昧，觀一切諸法，因不變為果，如乳不變作酪；諸法皆住自相，不動故。

**(68) 度緣三昧**

「度緣三昧」者，得是三昧，於六塵中諸煩惱盡滅，度六塵大海，亦能過一切三昧緣生智慧。

**(69) 集諸功德三昧**

「集諸功德三昧」者，得是三昧，集諸功德，從信至智慧，初夜、後夜修習不息；如日月運轉，初不休息。

**(70) 住無心三昧**

「住無心三昧」者，入是三昧中，不隨心，但隨智慧，至諸法實相中住。

<sup>98</sup> 署=罵【宋】【元】【明】【宮】。(大正 25, 401d, n.1)

<sup>99</sup> 義=字【宋】【元】【明】【宮】【聖】。(大正 25, 401d, n.2)

<sup>100</sup> 生+(不知)【宋】【元】【明】【宮】【聖】。(大正 25, 401d, n.3)

<sup>101</sup> 種+(相)【元】【明】【石】。(大正 25, 401d, n.5)

<sup>102</sup> 曇昧：昏暗模糊。(《漢語大詞典》(五), p.839)

<sup>103</sup> 翳(一丶)：2.遮蔽，隱藏，隱沒。4.目疾引起的障膜。(《漢語大詞典》(九), p.676)

<sup>104</sup> 法法住自相：因不變果。(印順法師，《大智度論筆記》[E005] p.295)

**(71) 淨妙華三昧**

「淨妙華三昧」者，如樹華敷<sup>105</sup>開，令樹嚴飾<sup>106</sup>；得是三昧，諸三昧中，開諸功德華以自莊嚴。

**(72) 覺意三昧**

「覺意三昧」者，得是三昧，令諸三昧變成無漏，與七覺相應；譬如石汁<sup>107</sup>一斤，能變千斤銅為金。

**(73) 無量辯三昧**

「無量辯三昧」者，即是樂說辯。得是三昧力故，乃至樂說一句，無量劫而不窮盡。

**(74) 無等等三昧**

「無等等三昧」者，(401b) 得是三昧，觀一切眾生皆如佛，觀一切法皆同佛法——無等等般若波羅蜜相應是。

**(75) 度諸法三昧**

「度諸法三昧」者，得是三昧，入三解脫門，過出三界，度三乘眾生。

**(76) 分別諸法三昧**

「分別諸法三昧」者，即是分別慧相應三昧。得是三昧，分別諸法善、不善，有漏、無漏，有為、無為等相。

**(77) 散疑三昧**

「散疑三昧」者，有人言：即是見諦道中無相三昧；疑結，見諦智相應三昧斷故。有人言：菩薩無生法忍相應三昧是<sup>108</sup>。時，一切法中疑網悉斷，見十方諸佛，得一切諸法實相。

有人言：無礙解脫相應三昧是。諸佛得是三昧已，於諸法中無疑<sup>109</sup>，無近、無遠，皆如觀掌中<sup>110</sup>。

**(78) 無住處三昧**

「無住處三昧」者，即是無受智慧相應三昧。得是三昧，不見一切諸法定有住處。

<sup>105</sup> (1) 敷(ㄉㄨ): 生長，開放。《書·禹貢》：“篠簜既敷，厥草惟夭，厥木惟喬。”孔傳：“篠，竹箭；簜，大竹，水去已布生。”顏師古注：“夭，盛貌也。”孔傳：“喬，高也。”(《漢語大字典》(二), p.1473)

(2) 敷英：開放的花朵。《藝文類聚》卷八一引晉傅咸《芸香賦》：“攜昵友以消遙兮，覽偉草之敷英。”(《漢語大詞典》(五), p.504)

<sup>106</sup> 嚴飾：裝飾美盛，盛飾。(《漢語大詞典》(三), p.550)

<sup>107</sup> 參見《大智度論》卷 28〈1 序品〉：「以一切法各各無定相故，可轉地或作水相；如酥、膠、蠟是地類，得火則消，為水則成濕相，水得寒則結成冰而為堅相。石汁作金，金敗為銅，或還為石。眾生亦如是，惡可為善，善可為惡。」(大正 25, 264c10-15)

<sup>108</sup> 是+ (是)【元】【明】【聖】【石】。(大正 25, 401d, n.6)

<sup>109</sup> 疑=礙【宋】【元】【明】【宮】。(大正 25, 401d, n.8)

<sup>110</sup> [中] - 【宋】【元】【明】【宮】【聖】。(大正 25, 401d, n.9)

**(79) 一莊嚴三昧**

「一莊嚴三昧」者，得是三昧，觀諸法皆一；或一切法有相故一，或一切法無故一，或一切法空故一，如是等無量皆一。以一相智慧莊嚴是三昧，故言「一莊嚴」。

**(80) 生行三昧**

「生行三昧」者，「行」名觀，得是三昧，能觀種種行相——入相、住相、出相；又是行皆空，亦不可見。

**(81) 一行三昧**

「一行三昧」者，是三昧常一行畢竟空相應三昧中，更無餘行次第——如無常行中次有苦行，苦行中次有無我行。

又菩薩於是三昧不見此岸、不見彼岸。諸三昧入相為此岸，出相為彼岸；初得相為此岸，滅相為彼岸。

**(82) 不一行三昧**

「不一行三昧」者，與上一行相違者是——所謂諸餘觀行。

**(83) 妙行三昧**

「妙行三昧」者，即是畢竟空相應三昧，乃至不見不二相，一切戲論不能破。

**(84) 達一切有底散三昧**

「達一切有底散三昧」者，「有」名三有；<sup>111</sup>「底」者，非有想非無想，以難到故名「底」；「達」者，以無（401c）漏智慧，乃至離非有想非無想，入無餘涅槃，三界五眾散滅。

復次，菩薩得是不生不滅智慧，一切諸有通達散壞，皆無所有。

**(85) 入名語三昧**

「入名語三昧」者，得是三昧，識一切眾生、一切物、一切法名字，亦能以此名字語化人；一切語言，無不解了，皆有次第。

**(86) 離音聲字語三昧**

「離音聲字語三昧」者，得是三昧，觀一切諸法皆無音聲語言，常寂滅相。

**(87) 然炬三昧**

「然炬三昧」者，如捉炬夜行，不墮險處；菩薩得是三昧，以智慧炬，於諸法中無錯、無著。

**(88) 淨相三昧**

「淨相三昧」者，得是三昧，能清淨具足莊嚴三十二相，又能如法觀諸法總相、別相，<sup>112</sup>亦能觀諸法無相清淨，所謂空、無相、無作，如〈相品〉<sup>113</sup>是<sup>114</sup>中廣說。

<sup>111</sup> 《大智度論》卷 83〈70 三惠品〉：「有名三有：欲有、色有、無色有。」（大正 25，644b26-27）

<sup>112</sup> (1) 參見《大智度論》卷 31〈1 序品〉：「問曰：何等是總相？何等是別相？答曰：總相者，如無常等；別相者，諸法雖皆無常，而各有別相；如地為堅相，火為熱相。」（大正 25，293a26-29）

**(89) 破相三昧**

「破相三昧」者，得是三昧，不見一切法相，何況諸三昧相！即<sup>115</sup>是無相三昧。

**(90) 一切種妙足三昧**

「一切種妙足三昧」者，得是三昧，以諸功德具足莊嚴——所謂好姓、好家、好身、好眷屬、禪定、智慧，皆悉具足清淨。

**(91) 不喜苦樂三昧**

「不喜苦樂三昧」者，得是三昧，觀世間樂多過多患、虛妄顛倒、非可愛樂；觀世間苦如病、如箭入身，心不喜樂。以一切法虛誑故，不求其樂。何以故？異時變為苦；樂尚不喜，何況於苦！

**(92) 無盡相三昧**

「無盡相三昧」者，得是三昧，觀一切法無壞無盡。

問曰：若爾者，云何不墮常邊？

答曰：如菩薩雖觀無常，不墮滅中；若觀不盡，不墮常中；此二相於諸法中皆不可得。<sup>116</sup>有因緣故修行，所謂為罪福不失故言常，離著故言無常。

**(93) 陀羅尼三昧**

「陀羅尼三昧」者，得是三昧力故，聞持等諸陀羅尼皆自然得。

**(94) 攝諸邪正相三昧**

「攝諸邪正相三昧」者，得是三昧，不見三聚眾生，所(402a)謂正定、邪定、不定，<sup>117</sup>都無所棄，一心攝取；又於諸法不見定正相、定邪相，諸法無定相故。

**(95) 滅憎愛三昧**

「滅憎愛三昧」者，得是三昧，可喜法中不生愛，可憎<sup>118</sup>法中不生瞋。

**(96) 逆順三昧**

「逆順三昧」者，得是三昧，於諸法中逆順自在；能破諸邪逆眾生，能順可化眾

(2) 參見《大智度論》卷 31〈1 序品〉：「復次，一切諸法性有二種：一者、總性，二者、別性。總性者，無常、苦、空、無我、無生無滅、無來無去、無入無出等。別性者，如火熱性，水濕性，心為識性。如人喜作諸惡，故名為惡性；好集善事，故名為善性。」（大正 25，293a25-c10）

<sup>113</sup> 《正觀》(6)，p.128，另參見 p.274，n.124：

(1) 如法觀諸法總相、別相，參見《摩訶般若波羅蜜經》卷 3〈10 相行品〉(大正 8，237b11-28)；《放光般若經》卷 3〈12 空行品〉(大正 8，16a11-20)；《光讚經》卷 4〈9 行品〉(大正 8，171c12-172a12)。

(2) 觀諸法無相清淨，參見《摩訶般若波羅蜜經》卷 14〈49 問相品〉(大正 8，325b17-28)，《放光般若經》卷 11〈50 問相品〉(大正 8，77b14-21)。

<sup>114</sup> [是]－【宋】【元】【明】【宮】【石】。(大正 25，401d，n.17)

<sup>115</sup> 《大正藏》原作「得」，今依《高麗藏》作「即」(第 14 冊，858a8)。

<sup>116</sup> 理則雙非，方便雙用：用常無常。(印順法師，《大智度論筆記》〔E006〕p.296)

<sup>117</sup> 聲生有三分：正定——必入涅槃，邪定——必入惡道，不定。(印順法師，《大智度論筆記》〔B010〕p.124)

<sup>118</sup> 憎=惡【宋】【元】【明】【宮】【聖】。(大正 25，402d，n.1)

生。又離著故，破一切法；善根增長故，成一切法；亦不見諸法逆順，是事亦不見，以無所有故。

#### (97) 淨光三昧

「淨光三昧」者，得是三昧，一切法中諸煩惱垢不可得；不可得故，諸三昧皆清淨。

#### (98) 堅固三昧

「堅固三昧」者，  
有人言：金剛三昧是，堅固不壞故。

有人言：金剛非。所以者何？金剛亦易破故。<sup>119</sup>是諸法實相智相應三昧不可破，如虛空，以是故言牢固。<sup>120</sup>

#### (99) 滿月淨光三昧

「滿月淨光三昧」者，得是三昧，所言清淨，無諸錯謬。如秋時，虛空清淨，月滿、光明、涼樂<sup>121</sup>、可樂，無諸可惡；菩薩亦如是，修諸功德故，如月滿；破無明闇<sup>122</sup>故，淨智光明具足；滅愛恚等火故，清涼<sup>123</sup>功德具足；大利益眾生故，可樂。

#### (100) 大莊嚴三昧

「大莊嚴三昧」者，見十方如恒河沙等世界，以七寶華香莊嚴，佛處其中——如是等清淨莊嚴。得是三昧故，一時莊嚴諸功德；又觀此莊嚴空無所有，心無所著。

#### (101) 能照一切世間三昧

「能照一切世間<sup>124</sup>三昧」者，得是三昧故，能照三種世間——眾生世間、住處世間、五眾世間。<sup>125</sup>

#### (102) 三昧等三昧

「三昧等三昧」者，得是三昧，觀諸三昧皆一等，所謂攝心相。是三昧皆得<sup>126</sup>因緣生，有為作法，無深淺；得是三昧，皆悉平等，是名為「等」。與餘法亦等無異，以是故義中說，一切法中定亂相不可得。

<sup>119</sup> 金剛可破。(印順法師，《大智度論筆記》〔E006〕p.296)

<sup>120</sup> 參見《大智度論》卷 97 〈88 薩陀波崙品〉：「隨一切堅固三昧者，諸法實相名堅固；得是三昧者，隨諸法實相，不隨餘法。」(大正 25, 737b13-15)

<sup>121</sup> 樂=爽【明】。(大正 25, 402d, n.4)

<sup>122</sup> 閻=黑【宋】【元】【明】【宮】【聖】。(大正 25, 402d, n.5)

<sup>123</sup> 明註曰「涼」，南藏作「淨」。(大正 25, 402d, n.6)

<sup>124</sup> [間]—【宋】【元】【明】【宮】【聖】。(大正 25, 402d, n.7)

<sup>125</sup> (1)《大智度論》卷 70 〈48 佛母品〉：「世間有三種：一者、五眾世間，二者、眾生世間，三者、國土世間。」(大正 25, 546b29-c2)

(2)三種世間：眾生世間，住處世間（國土世間），五眾世間。（印順法師，《大智度論筆記》〔B010〕p.132）

<sup>126</sup> 得=從【宋】【元】【明】【宮】【聖】【石】。(大正 25, 402d, n.8)

**(103) 摄一切有諍無諍三昧**

「攝一切有諍無諍三昧」者，得是三昧，不(402b)見是法如是相、是法不如是相；不分別諸法有諍無諍，於一切法中通達無礙。於眾生中亦無好醜諍論，但隨眾生心行而度脫之。得是三昧故，於諸三昧皆隨順不逆。

**(104) 不樂一切住處三昧**

「不樂一切住處三昧」者，得是三昧，不樂住世間，不樂住非世間。<sup>127</sup>以世間無常過故不樂；非世間中無一切法，是大可畏處，不應生樂。

**(105) 如住定三昧**

「如住定三昧」者，得是三昧故，知一切法如實相，不見有法過是如者。

「如」義，如先說。<sup>128</sup>

**(106) 壞身衰三昧**

「壙身衰三昧」者，血、肉、筋、骨等和合故名為「身」；是身多患，常與<sup>129</sup>飢、寒、冷、熱等諍，是名「身衰」。得是三昧故，以智慧力，分分破壞身衰相，乃至不見不可得相。

**(107) 壞語如虛空三昧**

「壙語如虛空三昧」者，「語」名內有風發，觸七處故有聲，依聲故有語。<sup>130</sup>觀如是語言因緣故，能壞語言，不生我相及以愛憎。

有人言：二禪無覺觀<sup>131</sup>是壙語三昧，賢聖默然故。

有人言：無色定三昧，彼中無身，離一切色故。

有人言：但是諸菩薩三昧，能破先世結業因緣不淨身而受法身，隨可度眾生種種現形。

<sup>127</sup> (1) 《大方廣佛華嚴經》卷 19：「云何為世間？云何非世間？世間、非世間，但是名差別；三世、五蘊法，說名為世間；彼滅，非世間，如是但假名。」(大正 10, 101c4-7)

(2) [唐]湛然述，《止觀輔行傳弘決》卷 5：「世間有三種，亦如前列。非世間者，無一切法大可畏處；且指有漏名為世間，二乘所依名非世間，故云可畏。」(大正 46, 293c20-23)

<sup>128</sup> 《正觀》(6), p.128：參見《大智度論》卷 32 (大正 25, 297b24-c5, 298b9-c27)。

<sup>129</sup> [與] - 【宋】【元】【明】【宮】。(大正 25, 402d, n.11)

<sup>130</sup> (1) 《大智度論》卷 6 <1 序品>：

如人欲語時，口中風名憂陀那，還入至臍，觸臍響出，響出時觸七處退，是名語言。如偈說：「風名憂檀那，觸臍而上去；是風七處觸，項及齦、齒、脣、舌、咽及以胸，是中語言生。」(大正 25, 103a15-20)

(2) 七處：1、項，2、斷，3、齒，4、脣，5、舌，6、咽，7、胸。

(3) 「響出時觸七處退」：聲響出時，風接觸七種發聲部位之後而出體外。（參見梶山雄一、赤松明彥譯，《大乘佛典·中國·日本篇》(一), pp.132-133)

(4) 項：1.頸的後部，亦泛指頸。(《漢語大詞典》(十二), p.229)

(5) 斷(一ㄣノ)：同「齦」，1.牙床。《急就篇》卷三：「鼻口脣舌斷牙齒。」顏師古注：「斷，齒根肉也。」(《漢語大詞典》(十二), p.1450)

<sup>131</sup> 《大智度論》卷 20 <1 序品>：「滅覺、觀，攝心深入，內清淨，得微妙喜，入第二禪。」(大正 25, 208b22-23)。

**(108) 離著虛空不染三昧**

「離著虛空不染三昧」者，菩薩行般若波羅蜜，觀諸法畢竟空、不生不滅，如虛空，無物可喻。

鈍根菩薩著此虛空；得此三昧故，離著虛空等諸法，亦不染著是三昧。

如人沒在泥中，有人挽出，鎖腳為奴；如<sup>132</sup>有三昧能離著虛空，而復著此三昧亦如是。今是三昧能離著虛空，亦自離著。

**2、釋疑：佛多說「諸三昧」，論以「諸法」釋之理**

問曰：佛多說「諸三昧」，汝何以但說「諸法」？<sup>133</sup>

答曰：佛多說果報，論者合因緣果報說。譬如人觀身不(402c)淨，得不淨三昧；身是因緣，三昧是果。又如人觀五眾無常、苦、空等，得七覺意三昧，能生八聖道、四沙門果。

復次，佛應適眾生故，但說一法；論者廣說，分別諸事。譬如一切有漏皆是苦因，而佛但說「愛」；一切煩惱滅名滅諦，佛但說「愛盡」。

是菩薩於諸觀行中必不疑，於諸三昧未了故，佛但說「三昧」；論者說「諸法」，一切三昧皆已在中。

**3、釋「用無所得故」**

是諸三昧末後，皆應言「用無所得」，以同般若故。

**4、結**

如是等無量無邊三昧和合，名為「摩訶衍」。

<sup>132</sup> [如] – 【宋】【元】【明】【宮】【聖】。(大正 25, 402d, n.15)

<sup>133</sup> 此卷的百八三昧中，關於「佛多說諸三昧，論者但說諸法」之說法，如第 2、4、5、10、15、16、17、18、21、23、26、27、30、31、32、35、37、39、40、41、42、43、44、48、50、51、53、55、57、58、64、66、67、74、75、76、79、85、86、88、89、91、92、94、95、96、97、102、103、105、108 等三昧的內容所說。